

Na osnovu člana 6. i člana 108. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo” broj: 27/24), a u skladu s članom 5, 37 i 57 Zakona o zaštiti ličnih podataka Bosne i Hercegovine („Službeni glasnik BiH“, broj: 12/25), člana 109. Pravila JU Osnovna škola „Hilmi ef. Šarić“ Tarčin, Sarajevo, broj : 01-1-199/25 od 04.04.2025.godine, po utvrđenom nacrtu, nakon konsultacije i uz saglasnost Sindikata, na osnovu prijedloga direktora škole, Školski odbor na 43. sjednici održanoj dana 04.11.2025.godine jednoglasno donosi :

P R A V I L N I K

O VIDEONADZORNOM SISTEMU U JU OŠ „HILMI EF. ŠARIĆ“ TARČIN, SARAJEVO

I PREDMET PRAVILNIKA

Član 1.

Pravilnikom o videonadzornom sistemu u Javnoj ustanovi „Hilmi ef. Šarić“ Tarčin, Sarajevo (u daljnjem tekstu: Pravilnik) bliže se određuje uspostava, pravni osnov, svrha, upotreba videonadzornog sistema u prostorijama škole i u dvorištu škole i opseg podataka.

II ODLUKA O VIDEONADZORNOM SISTEMU

Član 2.

Školski odbor Javne ustanove „Hilmi ef. Šarić“ Tarčin, Sarajevo donosi odluku o uvođenju video nadzornog sistema u školi.

Član 3.

Bliže odredbe o uspostavi, svrhi, upotrebi, zaštiti i obradi ličnih podataka i završnim odredbama vezanim za videonadzor definišu se ovim Pravilnikom.

III ZAKONSKI OKVIR

Član 4.

Zakon o zaštiti ličnih podataka Bosne i Hercegovine član 57. kao i član 6. Zakona o odgoju i obrazovanju u osnovnoj i srednjoj školi u Kantonu Sarajevo predviđa uspostavu videonadzornog sistema.

Član 5.

U skladu sa Pedagoškim standardima i općim normativima za osnovni odgoj i obrazovanje i normativa radnog prostora, opreme nastavnih sredstava i učila po predmetima za osnovnu školu predviđena je uspostava odgovarajućeg videonadzornog sistema u osnovnim školama.

IV SVRHA VIDEONADZORNOG SISTEMA

Član 6.

Svrha uspostavljanja videonadzornog sistema u Javnoj ustanovi „Hilmi ef. Šarić“ Tarčin, Sarajevo je neophodna optimizacija sigurnosti učenika, radnika, roditelja i posjetilaca škole, u toku nastavnog procesa u prostoru škole i školskog dvorišta; sigurnost objekta i imovine škole u periodu kada se ne izvodi nastavni proces (noćni sati, vikendi, neradni dani i blagdani, periodi kolektivnih godišnjih odmora, prevencija nedozvoljenih radnji, povećanja bezbjednosti u unutrašnjem i vanjskom prostoru škole, evidentiranje događaja od značaja za bezbjednost); u svrhe predviđene Pravilnikom o kućnom redu sa etičkim kodeksom.

Član 7.

Dozvoljena je upotreba videonadzornog sistema u smislu vođenja evidencija u skladu sa članom

pozitivnim propisima Zakona o radu Federacije Bosne i Hercegovine, kada je to određeno zakonom ili ako je to potrebno radi ostvarivanja prava i obaveza.

V OPSEG PODATAKA VIDEONADZORA

Član 8.

Videonadzorni sistem škole obuhvata:

- a) Unutrašnje kamere i vanjske kamere.
- b) Nadzorne kamere imaju IR noćno snimanje i osjetljive su na pokret (opcionalno)
- c) Uređaj za pohranu videozapisa deponuje i arhivira videozapise najduže 30 dana, osim ako su izdvojeni zbog postupka.

Izdvojeni snimci čuvaju se do okončanja postupka.

Član 9.

Unutrašnje kamere pokrivaju glavne koridore, hodnike i komunikacije unutar škole kao i hodnik prema zbornici i prostorijama uprave škole gdje se deponuju matične knjige, registri i dokumentacija od trajnog značaja za rad škole.

Zabranjeno je postavljanje kamera u:

- učionice tokom nastave (osim uz posebnu proceduru),
- toaletu, svlačionice, kabinete individualnog rada.

Član 10.

Vanjske kamere pokrivaju prostor dvorišta škole, ulaze u školsko dvorište, biblioteku i prostor školskog parkinga.

Član 11.

Na ulazu u školu i oko školskog dvorišta postavljaju se vidljivi znaci obavijesti: **PAŽNJA OBJEKAT POD VIDEONADZOROM.**

Znak na samom ulazu u školu sadrži i kontakt telefone preko kojih se mogu dobiti opće informacije o videonadzoru.

VI UPOTREBA PODATAKA

Član 12.

Uređaj za snimanje i administratorski centar videonadzornog sistema nalazi se u zbornici škole, a monitor za prikaz snimaka s kamera nalazi se u portirnici škole.

Direktor škole može ovlastiti i drugo lice da ima pristup administraciji videonadzornog sistema škole u svojstvu kontrolora, kada direktor nije prisutan u školi.

Član 13.

- a) Kontrolor videonadzornog sistema jeste direktor škole kao odgovorno lice.
- b) Kontrolor je odgovorno lice koje ima pristup monitoringu u realnom vremenu i arhivi videonadzora, te može slobodno da pristupa podacima i obrađuje podatke videonadzora u skladu sa članom 57. Zakona o zaštiti ličnih podataka Bosne i Hercegovine.
- c) Podacima u smislu stava b) ovoga člana ovlašteno lice, u skladu stava a) ovoga člana, ima u prostorijama škole ili ukoliko se ukaže mogućnost - putem IP veze sa druge lokacije ili mobilnog uređaja.

Član 14.

Pristup administraciji videonadzora, monitoringu i obradi podataka imaju direktor, i ovlašteno lice za bezbednost, administrator sistema i nadležni organi na osnovu službenog zahtjeva.

Član 15.

Monitoring u realnom vremenu nad videonadzorom imaju i dnevni čuvari u školi zaduženi za sigurnost ili druga lica koja ovlasti direktor škole.

Član 16.

Snimci se smiju koristiti samo za svrhe iz člana 6. Zabranjeno je:

- objavljivanje,
- korištenje za praćenje rada nastavnika,
- korištenje u disciplinske svrhe osim ako je to jedini dokaz,
- automatizovano odlučivanje ili profiliranje.

VII ZAŠTITA LIČNIH PODATAKA

Član 17.

U skladu sa članom 57 Zakona o zaštiti ličnih podataka Bosne i Hercegovine obezbjeđuje se zaštita i obrada ličnih podataka prikupljenih putem videonadzora:

- (1) Praćenje određenog prostora putem videonadzora dopušteno je samo ako je to nužno za zaštitu lica i imovine a ako ne prevladaju interesi nosioca podataka.
- (2) Videonadzorom mogu biti obahvaćeni samo prostori ili dijelovi prostora čiji je nadzor nužan radi postizanja svrhe iz stava (1) ovog člana.
- (3) Uspostavljanje videonadzora javno dostupnih objekata velikih površina, kao što su sportski objekti, parkirališta, dopušteno je isključivo s ciljem zaštite života, zdravlja i slobode lica te imovine.
- (4) Kontrolor podataka koji obavlja videonadzor dužan je donijeti odluku koja će sadržavati pravila obrade s ciljem poštivanja prava na zaštitu privatnosti i ličnog života nosioce podataka, ako videonadzor nije propisan zakonom.
- (5) Kontrolor podataka ili obrađivač dužan je na vidnom mjestu istaći oznaku o videonadzoru. Oznaka o videonadzoru sadrži sljedeće informacije: da je prostor pod videonadzorom, podatke o kontroloru podataka, odnosno obrađivaču i kontakt-podatke putem kojih nosilac podataka može ostvariti svoja prava. Obaveza treba biti vidljiva najkasnije prilikom ulaska u vidokreg snimanja.
- (6) Kontrolor podataka ili obrađivač dužan je da, kod sistema videonadzora javno dostupnih objekata iz stava (3) ovog člana bilježi zapise o upotrebi sistema i da ih čuva najmanje 12 mjeseci. Zapisi omogućavaju da se utvrdi datum i vrijeme te identitet lica koje je izvršilo uvid u sistem videonadzora.

Član 18.

Pravilnik podrazumijeva poštivanje propisa Zakona o radu u Federaciji Bosne i Hercegovine, koji se odnosi na postupanje sa ličnim podacima radnika - kada je to propisano zakonom ili ako je potrebno radi ostvarivanja prava ili obaveza radnika.

VIII PROCJENA UTICAJA-DPIA

Član 19.

Škola je dužna provesti Procjenu uticaja na zaštitu podataka (DPIA) prije uvođenja ili proširenja videonadzora

IX PRIJELAZNE I ZAVRŠNE ODREDBE

Član 20.

Pravilnik stupa na snagu danom donošenja. Stupanjem na snagu ovog Pravilnika, prastaje da važi Pravilnik o videonadzornom sistemu JU Osnovne škole „Hilmi ef. Šarić“ Tarčin, Sarajevo, broj:83/17 od 16.02.2017. godine.

Član 21.

Za tumačenje odredbi ovog pravilnika nadležan je Školski odbor.

Član 22.

Izmjene i dopune Pravilnika provode se na način i u postupku utvrđenom za njegovo donošenje.

Član 23.

Javnost se upoznaje sa sadržajem ovoga Pravilnika putem službene web stranice škole i oglasne ploče.

Djelovodni broj: 01-1-654/2025

Datum: 04.11.2025.godine

*Uz saglasnost predstavnika Sindikata
JU Osnovna škola „Hilmi ef. Šarić, Tarčin*

Nizama Piknić

PREDSJEDNIK ŠKOLSKOG ODBORA

Ešref Baćeković

Bosna i Hercegovina

Federacija Bosne i Hercegovine

Kanton Sarajevo

Općina Hadžići

Osnovna škola „Hilmi ef. Šarić“ Tarčin



Bosnia and Herzegovina

Federation of Bosnia and Herzegovina

Canton Sarajevo

Municipality of Hadžići

Primary school „Hilmi ef. Šarić“ Tarčin

Broj : 01-1-654-2/2025

Datum : 04.11.2025.godine

Na osnovu člana 6. i člana 108. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo” broj: 27/24), a u skladu s članom 57. Zakona o zaštiti ličnih podataka Bosne i Hercegovine („Službeni glasnik BiH“, broj: 12/25), člana 109. Pravila JU Osnovna škola „Hilmi ef. Šarić“ Tarčin, Sarajevo, broj : 01-1-199/25 od 04.04.2025. godine, po utvrđenom nacrtu, nakon konsultacije i uz saglasnost Sindikata, na osnovu prijedloga direktora škole, Školski odbor na 43. sjednici, održanoj dana 04.11.2025. godine jednoglasno donosi :

ODLUKU

o usvajanju Pravilnika o videonadzornom sistemu JU Osnovna škola “Hilmi ef. Šarić” Tarčin, Sarajevo

I

Usvaja se Pravilnik o videonadzornom sistemu JU Osnovna škola “Hilmi ef. Šarić” Tarčin, Sarajevo.

II

Usvojeni tekst Pravilnika o videonadzornom sistemu JU Osnovna škola “Hilmi ef. Šarić” Tarčin, Sarajevo, sastavni je dio ove odluke.

III

Ovaj Pravilnik o videonadzornom sistemu JU Osnovna škola “Hilmi ef. Šarić” Tarčin, Sarajevo stupa na snagu danom donošenja.

PREDSJEDNIK ŠKOLSKOG ODBORA

Ešref Džirktarević

Dotaviti :

1. Oglasna ploča ;
2. Sindikalna podružnica škole ;
3. a/a